

INUIT ATAQATIGIIT

Inatsisartuni



7. Maj 2020

Inatsisartut Suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara.

Naalackersuisunut apeqqut:

- 1. Naalackersuisut qinnuigineqarput nassuiaaqqullugit ilumoornerseq Nunatsinni angerlarsimaffillit Danmarkimiit angerlarniartut itigartinneqartarnersut.**
 - a. Taamaattoqarsimappat; suna pissutigalugu itigartinneqartarpat uffa Danmarkimiit aallartigani tunillatsissimannginneq qulakkeeqqaarneqartartoq aammalu Nunatsinnut tikereernermi misissugassamik tigusiiffigeqqinneqartarneq pisartoq?**
- 2. 2000-ikkut naajartorneranni kingullermik nalunaarsuisoqarpoq Nunatsinni inuit angerlarsimaffii pillugit tassunga ilanngullugu angerlarsimaffiit qanoq angitiginersut.**
 - a. Naalackersuisut qinnuigineqarput nassuiaaqqullugit Coronavirusip ajornartorsiortitsinerata nalaani innuttaasut imminnut qanillinnginnissaannik innersuussutip angerlarsimaffiminni malinnissaanut innuttaasut periarfissaat ataatsimut isigalugu qanoq innersoq.**
 - b. Naalackersuisut qinnuigineqarput nassuiaaqqullugit Coronavirusimik tunillatsissimasut, angerlarsimaffiminni inissaakilliorneq pissutigalugu, allamut inissikkallarnissaminnut qanoq periarfissaqartiginersut pillugu periarfissanik allanik nassaarnissamut suliaqarnerlutik.**
- 3. Naalackersuisut qinnuigineqarput nassuiaaqqullugit Nunatsinni angerlarsimaffiit qassit imermik kuuginnartumik periarfissaqarnersut.**
- 4. Meeqqat atuarfiini atuartut angajulliit soraarummeernerminni karakteriminnik pitsanngorsaarnissaminnut immikkut**

**periarfissinneqarnissaat siunertaralugu suliniutunik sunik
allaartitsisimanertik pillugu Naalackersuisut qinnuigineqarput
nassuiaaqqullugit.**

**a. Naalackersuisut qinnuigineqarput nassuiaaqqullugit
ilinniarfeqarfinni inissanik amerlanerusunik pilersitsinissamik
pilersaaruteqarnerisut, taamaasilluni qinnuteqartut
ilimagisamik amerlanerussagaluarpata inissaqartinnissaat
qulakkeerumallugu.**

**5. Naalackersuisut qinnuigineqarput nassuiaaqqullugit
inuaqatigiinni immikkut eriagisariaqartut gruppet
nalunaarsorneqareersut saniatigut innuttaasut akornanni
Coronavirusimut misissuisoqarnissaannik pilersaaruteqarnerlutik.**

(Inatsisartunut Ilaasortaq Sofia Geisler, Inuit Ataqtigiit)

Tunngavilersuut:

Coronavirus inuaqatigiinni tamanut annertuumik ajornartoortitsivoq, aammalu ajornartorsiutaasut suunerannik qulaarinnilluni. Taamaasilluni coronavirusip siaruatsaaliernerani pisortat innersuussutaasa malinniarnarat aporfeqarsinnaalluni.

Paasissutissanik nutaanik peqanngilagut angerlarsimaffinni m2-terimut inuit qassit najugaqarnerinik ersersitsisunik. Nalunngisarpulli tassaavoq angerlarsimaffinni ilaatigut angisoorsuunngitsuni inuit amerlasuut najugaqarsinnaasarmata, ullorlu taanna coronavirus siaruatilissagaluarpat tamanna ajornartorsiutitik pilersitsisinnaavoq.

Tamanna ilaatigut patsisaavoq qulaani apeqqutit Naalackersuisunut ingerlateqqinnerannut.

Kissaatigivara apeqqutikka ullut suliffiusut qulit qaangiutinnginneranni akineqarnissaat.